

S ciljem uređivanja svog rada, Parlamentarni forum za evropske integracije Bosne i Hercegovine, na sastanku, održanom _____, u _____, usvojio je

P O S L O V N I K
PARLAMENTARNOG FORUMA ZA EVROPSKE INTEGRACIJE
BOSNE I HERCEGOVINE

I. SASTAV I CILJEVI RADA PARLAMENTARNOG FORUMA ZA
EVROPSKE INTEGRACIJE BOSNE I HERCEGOVINE

Član 1.
(Sastav)

(1) Parlamentarni forum za evropske integracije Bosne i Hercegovine (u daljnjem tekstu: Parlamentarni forum) je koordinirajuće tijelo koje čine:

- predsjedavajući i zamjenici predsjedavajućeg Zajedničke komisije za evropske integracije Parlamentarne skupštine Bosne i Hercegovine;
- predsjednik i zamjenici predsjednika Komisije za evropske integracije Predstavničkog doma Parlamenta Federacije Bosne i Hercegovine;
- predsjednik i zamjenik predsjednika Odbora za evropske integracije i regionalnu saradnju Narodne skupštine Republike Srpske.

(2) Na sjednice Parlamentarnog foruma pozivaju se i ostali članovi komisija i Odbora iz stava (1) ovog člana.

Član 2.
(Ciljevi rada)

(1) Parlamentarni forum radi s ciljem uspostavljanja koordinacije zakonodavnih organa u Bosni i Hercegovini u procesu integriranja u EU.

(2) U ostvarivanju ciljeva svog rada, Parlamentarni forum razmatra pitanja koja se odnose na:

- a) opća pitanja u vezi s evropskim integracijama;
- b) koordinaciju usklađivanja zakona u zakonodavnim organima Bosne i Hercegovine, prema njihovoj nadležnosti, s pravnom tečevinom Evropske unije (acquis communautaire);

c) prikupljanje i prezentiranje članovima Parlamentarnog foruma informacija u vezi s integriranjem Bosne i Hercegovine u Evropsku uniju.

(3) Parlamentarni forum obavlja i druge poslove koji doprinose uspostavljanju saradnje i efikasne koordinacije u ispunjavanju obaveza u procesu integriranja Bosne i Hercegovine u Evropsku uniju.

II. ORGANIZACIJA I PRINCIPI RADA PARLAMENTARNOG FORUMA

Član 3.

(Kolegij Parlamentarnog foruma)

(1) Predsjedavajući Zajedničke komisije za evropske integracije Parlamentarne skupštine Bosne i Hercegovine, predsjednik Komisije za evropske integracije Predstavničkog doma Parlamenta Federacije Bosne i Hercegovine i predsjednik Odbora za evropske integracije i regionalnu saradnju Narodne skupštine Republike Srpske čine Kolegij Parlamentarnog foruma.

(2) Predsjedavajući Zajedničke komisije za evropske integracije Parlamentarne skupštine Bosne i Hercegovine saziva sjednice i predsjedava sjednicama Kolegija Parlamentarnog foruma.

(3) Kolegij obavlja sljedeće poslove:

- a) utvrđuje prijedlog godišnjeg plana rada Parlamentarnog foruma;
- b) dogovara dnevni red i saziva sjednice Parlamentarnog foruma;
- c) brine o provođenju zaključaka Parlamentarnog foruma.

Član 4.

(Sekretarijat Parlamentarnog foruma)

(1) Sekretari parlamentarnih komisija i Odbora iz člana (1) ovog poslovnika čine Sekretarijat Parlamentarnog foruma.

(2) Sekretarijat Parlamentarnog foruma obavlja:

- a) administrativno-tehničke poslove u vezi s pripremom, sazivanjem i održavanjem sjednica Parlamentarnog foruma;
- b) druge poslove po nalogu Kolegija Parlamentarnog foruma radi ostvarivanja ciljeva rada.

Član 5.
(Principi rada)

- (1) Parlamentarni forum djeluje održavanjem svojih redovnih sjednica.
- (2) Na svojim sjednicama, nakon rasprave o određenim pitanjima, Parlamentarni forum može utvrditi zaključke, mišljenja, preporuke, stavove.
- (3) Parlamentarni forum dogovorom utvrđuje dokumente iz stava (2) ovog člana, nastojeći postići najširi konsenzus.
- (4) Parlamentarni forum može dostaviti utvrđene zaključke, mišljenja, stavove i preporuke Vijeću ministara Bosne i Hercegovine, entitetskim vladama, zakonodavnim i drugim organima.
- (5) Parlamentarni forum može odlučiti da formira radnu grupu za pripremu određenog pitanja u vezi s ciljevima njegovog rada.

III. SAZIVANJE I ODRŽAVANJE SJEDNICA

Član 6.
(Sazivanje sjednica)

- (1) Kolegij Parlamentarnog foruma saziva sjednice najmanje jednom u dva mjeseca.
- (2) Poziv za sjednicu, s prijedlogom dnevnog reda, dostavlja se najkasnije deset dana prije termina njenog održavanja.
- (3) Kolegij može pripremiti prijedlog dokumenta za diskusiju na sjednici, koji se članovima Parlamentarnog foruma dostavlja zajedno s pozivom za sjednicu.
- (4) Na sjednicu se, po potrebi, pozivaju predstavnici Vijeća ministara Bosne i Hercegovine, entitetskih vlada i drugih institucija koje učestvuju u procesu integriranja Bosne i Hercegovine u Evropsku uniju.

Član 7.
(Naziv sjednice)

- (1) Naziv redovnih i vanrednih sjednica je Parlamentarni forum za evropske integracije Bosne i Hercegovine, uz prethodno naveden redni broj sjednice, a poslije naziva se navodi datum i mjesto održavanja sjednice.

Član 8.
(Održavanje sjednica)

- (1) Sjednice se održavaju naizmjenično u Parlamentarnoj skupštini Bosne i Hercegovine, Narodnoj skupštini Republike Srpske i Parlamentu Federacije Bosne i Hercegovine.
- (2) Sjednicama predsjedava Kolegij, a sjednicu vodi predsjedavajući komisije/predsjednik Odbora koji je domaćin sjednice.
- (3) Sekretarijat parlamenta koji je domaćin osigurava prostorije i druge uslove za održavanje sjednice.

Član 9.
(Dnevni red)

- (1) Na početku sjednice, članovi Parlamentarnog foruma izjašnjavaju se o predloženom dnevnom redu.
- (2) Svaki član Parlamentarnog foruma ima pravo predložiti izostavljanje predložene tačke ili dodavanje nove tačke dnevnog reda, o čemu se također glasa.
- (3) Na kraju sjednice svaki član Parlamentarnog foruma može predložiti temu ili tačku za dnevni red narednog sastanka.
- (4) O prijedlozima iz stava (3) ovog člana Kolegij će voditi računa pri izradi prijedloga dnevnog reda za narednu sjednicu.

Član 10.
(Javnost rada)

- (1) Sjednice Parlamentarnog foruma su javne, osim ako se drugačije ne odluči.
- (2) Odluka o javnosti rada donosi se prije početka rasprave o utvrđenom dnevnom redu.

Član 11.
(Zapisnici sjednica)

- (1) O svakoj održanoj sjednici se, na osnovu tonskog snimka, sačinjava zapisnik.
- (2) U zapisnik, koji izrađuje sekretar komisije/Odbora domaćina sastanka, unosi se redni broj sjednice, mjesto, datum, dan i vrijeme održavanja, broj prisutnih članova i drugih lica,

dnevni red, imena učesnika u raspravi, prijedlog i sadržaj usvojenih zaključaka, stavova, preporuka i mišljenja.

- (3) Zapisnik potpisuju članovi Kolegija Parlamentarnog foruma.
- (4) Predsjedavajući koji je vodio sjednicu Parlamentarnog foruma predstavlja zaključke, stavove, mišljenja i preporuke usvojene na sjednici.

IV. UREĐIVANJE OSTALIH PITANJA

Član 12. (Uređivanje ostalih pitanja)

- (1) Pitanja koja nisu uređena ovim poslovníkom prema potrebi se uređuju posebnim zaključcima Kolegija za svaki konkretni slučaj.

V. PRIJELAZNE I ZAVRŠNE ODREDBE

Član 13. (Utvrdjivanje prijedloga poslovníka Parlamentarnog foruma i njegovo usvajanje)

- (1) Prijedlog poslovníka utvrđuju članovi Kolegija Parlamentarnog foruma.
- (2) Članovi Parlamentarnog foruma izjašnjavaju se aklamacijom o prijedlogu poslovníka.
- (3) Poslovník je usvojen ako je za njega glasala najmanje polovina članova Parlamentarnog foruma.

Član 14. (Izmjene i dopune poslovníka)

- (1) Prijedlog za izmjene i dopune poslovníka može dati svaki član Parlamentarnog foruma.
- (2) Prijedlog se razmatra na prvoj narednoj sjednici.

(3) Izmjene i dopune poslovnika usvajaju se na isti način i po postupku kako je i donesen.

Član 15.
(Stupanje na snagu)

(1) Ovaj poslovnik stupa na snagu danom donošenja.